

PEDRO

jóasugueripũ

Ññuduticorigue

1 ¹Yũ Pedro Jesucristo cũye-re wededutigũ beserigũ múãrẽ Cõãmacũ beserirare ãñudutia. Múã yũ jóacora múãya ditare cõã, aperopũ wáabaterira niwũ. Teero tiigũ, múã Ponto, Galacia, Capadocia, Asia, Bitinia dita niirãpũre jóacoa. ²Cõãmacũ marĩ Pacũ too sugueropũ cũũ boorĩrobirora múãrẽ cũũ põna niãrõ jĩgũ, besetoarigũ niwĩ. Espĩritu Santomena múãrẽ ñañaré manirã niirĩ tiirigũ niwĩ, cũũ dutirere tiãro jĩgũ. Jesucristoye diimena múãrẽ cũũyara niirĩ tiirigũ niwĩ.

Cõãmacũ múãrẽ ãñunemore ticoaro; ãñurõ niirecõtiri tiinemóãrõ.

Cõãmacũ ticoadarere yueré

³Cõãmacũ Jesucristo marĩ Òpũ Pacũre usenire ticoada. Cõãmacũ marĩrẽ bayiró bóaneõ ññaqui. Teero tiigũ, Jesucristo diarigũpũ masãriguemena marĩrẽ bauãnemorira tiiróbiro tiyigũ. Cũũ teero tiirĩ, marĩ “too síropũ cũũrẽ ññaãda” jĩmasiã. ⁴Teeré masijĩrã, Cõãmacũ marĩrẽ ticoadarere yuea. Cũũ ticoadare petirĩcu; ñañaré maniré niicu; teero biiri cũũ ticoadare coori tiiróbiro sñinirĩcu.

Cõãmacũ cũũ ticoadarere ãmúãsepũ quẽnocũbosaqui marĩrẽ. ⁵Múã Jesuré padeocũ. Teero tiigũ, Cõãmacũ cũũ tutuaremena múãrẽ cotequi. Múãrẽ ãñurõ tiãdare quẽnorĩguerpũ niicu. Atibũreco petirĩ, teeré eñogũdaqui.

⁶Teeré wãcũrã, usenicu. Atitópere múã merẽ ñañarõ netõrã tiia ména. ⁷Múã Jesucristore padeoré oro tiiróbiro niicu. Basocá ¿orora niirĩ? jĩrã, pecame sotoapũ asiopéocua. Ocoári siro, ñañaré poca merẽ jeapeacu; ãñuré oro dícu pũtuácu. Ate tiiróbiro múãrẽ ¿Jesucristore diamacũrã padeomĩ? jĩrõ, ñañarõ netõrĩ tiicú ména. Múã ñañarõ netõjĩrã, tee oro basiro tiiróbiro pũtuáadacu. Teero tiirã, ãñurõ padeonemórã niãdacu sãa. Jesucristore padeodũheri ññãrã, basocá múãrẽ “cũũrẽ diamacũrã padeoõya” jĩ ññaãdacua. Oro wapapacá niã. Wapapacãre niipacaro, petijóãcu. Múã Jesucristore padeorépe oro nemoró wapacũtia. Tee doca petirĩcu. Teero tiigũ, Jesucristo múãrẽ atibũrecompũre pũtũaatigũ, “yũre ãñurõ padeowũ” jĩgũdaqui.

⁸⁻⁹Múã Jesucristore ññaririra niipacara, cũũrẽ maĩcú. Atitóre cũũrẽ ññaripacara, padeocũ. Múã cũũrẽ padeorĩ, múãrẽ pecamepũ

wáaborirare netōnéqui. Teero tiirá, múá Cōāmacū p̄top̄ wáadarere wācūrā, bayiró ūsenicu. Múá ūsenire diamacūrā nijārō tiicú. Teero tiirá, “teero ūseniāmajārā tiia” jīmasiña manicú.

¹⁰Profetas cū ūmúārē āñurē ticoadarere wedesuguetoyira. Basocáre netōnéadarere tuomasíada jīrā, cūācā āñurōgā buemiyira. ¹¹Cristo cūāmena niyigu. Cū ū Espiritu Santo tiiapuremena cūārē too sírop̄ wáadarere masīrī tiitōamiyigu: “Cristo ñañarō netōgūdaqui; too síro Cōāmacū cūārē pee dutiré ticoğudaqui” jīrēre masīrī tiitōamiyigu. Cūā “¿deero biiri niidari? ¿Ñeenó wáadari?” jīrā, bayiró masīdugamiyira. ¹²Cōāmacū cūā masīdugari iñagū, cūārē biiro masīrī tiyigu: “Múá wederé queti múā niiritop̄ wáaricu ména” jīrēre masīrī tiyigu. Múá atitop̄ niirāpe iñāadare niyiro. Cūā wederé queti múā tuotóacu. Atitóre tee quetire wederá Espiritu Santo ūmúāsep̄ ticodiocorigu tutuaremena múārē wedeyira. Jesucristoye queti āñurē queti niā. Ángelea tee queti basocáre netōnére quetire “¿deero peti niī?” jī tuomasīdugamicua.

Ñañaré manirá niidutire

¹³Teero tiirá, “Cōāmacū boorére tiirucújāada” jī wācüyueya. Múá

tiadarere āñurō wācūtoarap̄ tiiyá. “Cōāmacū marīrē āñurē ticoğudaqui Jesucristo p̄tuaatiri” jī wācūrā, ūseniremena coteya. ¹⁴Múá Jesurē masīadari suguero, cū boorére masīririra niuwū. Bayiró ñañarére tiidugájyū. Atitóre múá Cōāmacū pōna nijīrā, too suguerop̄ múā ñañaré tiiríguenorē tiirījāna. ¹⁵Biiope tiyá: Cōāmacū múārē beserigu ñañaré manigú niiqui. Teero tiirá, múācā niipetire múā tiirémena ñañaré manirá niīna. ¹⁶Cōāmacūye queti jóarip̄p̄ tee maquē jóanoā: “Yū ñañaré manigú niā. Yū tiiróbiro múācā ñañaré tiirījāna’, jīyigu Cōāmacū”,^a jī jóanoā.

¹⁷Cōāmacū niipetirare sícārībiro bese, queoró wapa tiiquí; sícūrē ñaríqui. Teero tiirá, múā cūārē “Pac̄” jījīrā, múā catiré b̄recorire cūārē quioniremena iñāna. ¹⁸Múá ñecūsūmūā tiirécutiriguere múācā tiimúātirira niimiwū. Cūā tiirécutirigue bári niiré niā. Cōāmacū múārē teero tiirécutimirare netōnérigu niiwī. Múá ateré āñurō masīa: Múārē netōnégū petirénomena (oromena, niyerumena) wapatíririgu niiwī. ¹⁹Cristoye dímenape wapatírigu niiwī. Cūāye díi wapaacáre niicu. Cūāye díi cordero posarigu niihēgū, cāmimanigūye díi tiiróbiro niicu.^b ²⁰Cōāmacū

^a 1.16 Levítico 11.44-45.

^b 1.19 Israelya pōna macārā Egiptop̄ witiadari suguero macā ñami, wisericórō sícū corderore síāyira. Cūāye díimena tuusíāyira sopepamarí wesarire. Tiiñami ángele síāgū wāgu, tee díire iñagū, tiwí macārē síārīyigu.

cũñ atibúreco tiíadari sũguero, “Cristo basocáre netõnégũdaqui” jĩitoayigu. Teero jĩipacu, máata ticodioririgu niwĩ. Atitõpu mariye niíadarere netõnégũdũre ticodioririgu niwĩ. ²¹Múã Cristo tiiriguere masĩjĩrã, Cõãmacũrẽ padeocú. Cũũrã Cristo diarigupũre masõrigu niwĩ; cũũrẽ ñmuásepu pee añurẽ ticoyigu. Teero tiirã, múã Cõãmacũrẽ padeocú. “Diari siropũ, cũũmena niíadacu”, jĩicu.

²²Múã diamacũ niirere yũũjĩrã, Jesucristore padeorã tiirira niwũ. Cũũrẽ padeojĩrã, múã ñañarẽ tiirere tiidũrira niwũ. Teero tiirã, múã atitõre Jesurẽ padeorãre añurõ cãmerĩ wépeomasĩcu. Jĩiditoro manirõ maĩcú. Cãmerĩ maĩrã, wedeseremena dícu maĩrĩjãña. Niipetire múã tiirẽmena maĩñã. ²³Múã aterẽ masĩcu: Múã bauánemorira tiiróbiro niirã niicu. Cõãmacũ ticorẽ catirẽ petihẽre cwoocú. Tee petirícu. Marĩ pacusũmuã catirẽ ticoriguepe bóadiacu. Cõãmacũye queti añurẽ quetipe múãrẽ catirẽ petihẽre cwotóari tiicú. Tee queti diamacũ maquẽ niirucujãadacu. ²⁴Cõãmacũye queti jóaripũpu tee maquẽrẽ jóanoã:

Basocã táa tiiróbiro niicua.

Tãa sñijõã.

Cũã uputĩ maquẽ cwoorẽ macãncũ maquẽ coori tiiróbiro niicu.

Coori buducodiaa.

²⁵Marĩ Õpũ wedesere doca petirícu. Diamacũ maquẽ niirucujãadacu,^c

jĩi jóanoã. Tee wedesere Jesuyẽ añurẽ queti niíã. Tee queti múãrẽ wedenoriro niwũ.

2¹Teero tiirã, niipetire ñañarẽ tiirere tiidũjãña. Jĩiditone-morijãña. Tiiditõrijãña. ññatutirijãña. Queti jĩinemorijãña. ²⁻³Marĩ Õpũ múãrẽ añurẽ ticorẽre pẽero masĩtoajĩrã, nemoró masĩdũgara niíña. Õpũrãgã õpẽcõ bayirõ boóya; teemena bucuaaya. Múãpe cũã tiiróbiro diamacũ maquẽrẽ bayirõ masĩdũgaya. Teemena marĩrẽ netõnere quetire tũomasĩnemoãdacu.

Õtãqui wii weenucãriqui tiiróbiro nií Jesucristo

⁴Teero tiirã, Jesucristore añurõ padeoyã. Cũũ õtãqui wii tiiriqui tiiróbiro nií. Tiiqui catirẽ cwoocú. Wii tiirãpe tiiquire boorimiwã. Cõãmacũpe tiiquire beserigu niwĩ. Cũũ ññacoropũ wapa-cãriqui niiriro niwũ. ⁵Múãcã Jesucristo menamacãrã niijĩrã, õtãquiri catirẽ cwoorẽquiri tiiróbiro niicu. Cõãmacũ múã õtãquiri-biro niirãmena sicawí tiiróbiro tiigũ tiiquí. Toopũ múã paíã tiiróbiro niíadacu. Jesucristo tiirãpuremena Cõãmacũ dutirẽ dícu-re tii, cũũrẽ usenire ticoadacu; múã añurõ tiirẽcãrẽ cũũrẽ useni-

^c 1.24-25 Isaías 40.6-8.

peoadacu. ⁶Cõamacũ tee maquẽ wedeserere jóanoã cũyeye queti jóaripũpũ:

Тѳоуá: Jerusalénpũre sica-
qui ãtãqui cúũã.

Tiiquire besewũ. Wii wee-
nucãriqui, wapapacãriqui
niĩã.

Tiiqui “basocãre netõnégũ-
dũ” jĩĩdũgaro tĩa.

Cũũrẽ padeogũno “bũri peti
padeotá” jĩĩriqui, ^d

jĩĩ jóanoã. ⁷Teero tiigú, cũũ wa-
papacá niĩĩ múãrẽ, cũũrẽ padeo-
ráre. Cũũrẽ padeohérapere Cõã-
macũyeye queti jóaripũpũ ateré
jĩĩã:

Wii weerira ãtãquire boorí-
yira.

Cũã boorípacari, tiiquirea
ũputí macãqui putuãwũ
tiiwiipũre, ^e

jĩĩ jóanoã. ⁸Atecãrẽ jĩĩã:

Ëtãqui basocãre dũpotua,
ñaacũmurí tiicú, ^f

jĩĩ jóanoã. Cũã Cõamacũyeye queti
jĩĩrere padeoríya; teecãrẽ netõ-
nucãya. Teero tiirá, dũpotuara
tiiróbiro niĩya. Tíatopũra máata
Cõamacũ “cũã biiro tiiádacua”
jĩĩtoayigu.

⁹Múã docare Cõamacũ beseri-
gu niiwĩ, cũũyara niĩãrõ jĩĩgũ.
Múã paiá tiiróbiro niirã niicu,
Cõamacũ marĩ Òpũrẽ usenire ti-
corá niijĩrã. Sicadita macãrã ãñu-
ré dícare tiirá tiiróbiro niicu.
Cõamacũyara niicu. Cũũ múãrẽ

beserigu niiwĩ, cũũ ãñurõ tiirere
wedearo jĩĩgũ. Cũũ múãrẽ naĩtĩ-
ãrõpũ tiiróbiro niimirare bese-
rigu niiwĩ. Teero tiirá, múã cũũ-
mena niirã niijĩrã, cũũ bóebate-
coropũ niirã tiiróbiro niicu. Cũũ
bóere ãñunetõjõãã. ¹⁰Too sugue-
ropũre múã cũũ põna mee niiwũ
ména. Atitóreja cũũ põna niĩã
sáa. Too sugueropũre múãrẽ bóa-
neõ ñnaririgu niiwĩ ména. Atitõ-
pereja múã cũũ bóaneõ ñnarere
masĩcu sáa.

Biirope tiirécutiya

¹¹Yũũ múãrẽ maĩã. Teero tiigú,
múãrẽ tiidutía. Múã atibũreco-
pũre wáanetõri basocá tiiróbiro
niĩã. Múã niĩãdaro peti ãmũãse-
pũ niicu. Teero tiirá, ñañarere tii-
dũgárijãña. Ñañaré tiidũgáre
ãñurõ tiidũgárepere cãmotácu
múã yeeripũnapũre. ¹²Jesuré pa-
deohera múã ãñurõ tiirécutirere
ññapacara, múãrẽ wedesãrã tii-
áyira; múã ãñuré tiipacári, teero
jĩĩãmajãyira. Teero jĩĩãmapaca-
ra, múã ãñuré tiirere ññaãyira.
Teero tiirá, Jesús putuãatiri bũ-
reco jeari, biiro jĩĩãdacua: “Cõã-
macũ ãñugũ niĩĩ; cũũrã niijĩyi
cũãrẽ ãñurere tiidutirigu” jĩĩãda-
cua.

¹³⁻¹⁴Marĩ Òpũ Jesús biiro tiirõ
booquí: Romanuã òpũrẽ, cũũ doca
macãrã dutirãre, teero biiri niipe-
tira atiditã macãrã dutirãre yũũro
booa. Romanuã òpũ cũũ doca ma-

^d2.6 Isaías 28.16. ^e2.7 Salmo 118.22. ^f2.8 Isaías 8.14.

cārārē netōncārānorē ñañarō tiidutíqui. Ññurō yññrápere “ññurō tiíawū mūájā” jīidutíqui. ¹⁵Cōāmacūyere masídugaherape búri peti mūārē ñañarō wedepatiāmajābocua. Múá ññurépe tiirí docare, cúā deerope jīimasírícu. Teero tiigú, Cōāmacūpe mūārē ññuré díccure tiirucúri booquí.

¹⁶Múá Moisés dutirére tiicotémirira teeré wítirira tiiróbiro niicu. Teero tiirá, teeré wítirira niijirā, ññurō niijāña. Sīquērā “tee dutirére wítirirapū niíā” jīirā, ate wācūbocua: “Teeré wítirirapū niijirā, cuiro maniró ññararé tiimasíā”, jīi wācūbocua. Niiria. Múá Cōāmacūrē padecotera niíā. Teero tiirá, cūñ boorére tiirucújāña. ¹⁷Niipetirare quioníremena iñña. Jesuré padeoráre maíñá. Cōāmacūrē quioníremena iñña. Romanuā òpūcārē quioníremena iñña.

Padecoterare tiidutíre

¹⁸Múá sīquērā āpērārē padecotera niicu. Múá padecotere wiseri òpārārē quioníremena yññya. Tutiré maniró mūārē ññurō tiirá díccure yññrijāña; ññarō tiirácārē yññya. ¹⁹Apetó tiirá, múá ññurō tiipacári, mūārē dutirá mūārē ññarō tiibócua. Cúā teero tiirí, múá Cōāmacūrē padeorá niijirā, cúārē pññiñña jīirijāña. Múá teero tiirí, Cōāmacū mūārē “ññurére

tiirá tiíya” jīi iññagūdaqui. ²⁰Apetó tiirá, múá ññarō tiíarígue wapa páacua. Cúā páari, múá ññcájárí, Cōāmacū iññacoropure wapamaníā. Cúā páare múáye wapa niíā. Apetó tiirá, múá ññurō tiipacári, mūārē ññarō netórí tiibócua. Múá cúaro maniró ññcárí, Cōāmacū iññacoropure wapacutía. ²¹Cōāmacū marí teero tiíadarare beserigū niiwí. Cristo marírē netónégū ññarō netó, diawi. Ññurō tiipacári, cūñrē ññarō tiirí, teero ññcájáwí. Teero tiigú, marírē cūñ tiirírobirora tiinñúseri booquí. ²²Cūñ ññarére tiiríwi. Jīiditóriwi. ²³Cūñrē ññarō jīirí, cúārē pññiñña jīiríwi. Basocá cūñrē ññarō tiirí, cúārē “ññarō tiigúda mūārē” jīiríwi. “Cōāmacūpū ññararé tiiráre wapa tiigúdaqui” jīi masíjigū, “teerora tiigúdaqui yññre ññararé tiiráre” jīirigū niiwí. ²⁴Teero tiigú, cūñ basirora marí ññararé tiiré wapa wapatígu, curusapū diabosarigū niiwí. Cūñ teero tiirémēna marí ññararé tiirére tiidumasíā. Teero biiri marírē ññarére ñññmíríre ññuré Cōāmacūyepere ñññrí tiíwí. Cūñye cāmimēna marírē netónérigū niiwí. ²⁵Marí oveja ditirira tiiróbiro niimiwū. Atitóre cūñ buaríra tiiróbiro niicu. Cristo oveja cotegá tiiróbiro marírē cote, iññanññsequi.

§ 2.22 Isaías 53.9.

Wāmosíarirare tiidutíre

3¹⁻²Numiá manucútira, teero-ra múã manusũmuãrē yũya. Múã manusũmuã sīquērã Jesuyé quetire padeorícua. Múã cǘãrē quioníremena ññaña. Múã tiirécútire ññañaré maniré niĩãrõ. Cǘã teeré ññaãdacua. Teero tiirá, múã cǘãrē “padeoró booa” jĩiripacari, wasobócua múã tiirécútirere ñña-rã. ³“Ññurá bauádacu” jĩirã, múãye póamena mamaré díçure wãcũrijãña; múãye õpũĩrĩre oromena mamaré díçure wãcũrijãña; suti wapapacáre sãñaré díçure wãcũrijãña. Tee niipetire so-toá maquē niicu. ⁴Múã popea maquē ãñurĩ, múã ãñurá bauádacu. Tee petirícu. Teero tiirá, ãñurõ yeeripũnacútiro booa. Cõãmacũ ññacoropũ tee wapapacá niĩã. ⁵Tíato macãrã numiã yũ múãrē jĩirõbirora ãñurá bauyíra. Cǘã Cõãmacũ booró tiusénirã numiã niiyira; Cõãmacũ wederére padeorá numiã niiyira. Cǘã manusũmuãrē yũrémēna ãñurá bauyíra. ⁶Sara Abraham nũmo teero-ra tiiyígo. Abrahamrē tũoyígo. Cǘãrē coo manũrē “yũ õpũ” jĩiyígo. Múãcã ãñurõ tiirá, cuiro maniró coo tiiróbiro niĩãdacu.

⁷Ëmũá nũmocútira teerora múã nũmosãnumiãmena ãñurõ niĩña. Coore quioníremena ññaña. Coo múã tiiróbiro tutuarico. Cõãmacũ coocãrē ãñuré ticogú

catiré petihére ticoqui múãrē ticorirobirora. Teero tiirá, coore ãñurõ tiiapuya. Teero tiihéra, Cõãmacũrē ãñurõ tũgueñarõmena sãimasñña manicú.

Cãmerí ãñurõ wéepodutire

⁸Ateména pũtuáa: Múã niipetira sícãrĩbiro ãñurõ niirecutiya; cãmerí bóaneõ ññaña; sícũpõna tiiróbiro maĩrécutiya; ãñurõ niĩña ãpẽrãména; “ũsã ãpẽrá nemoró ãñuré tiia”, jĩi wãcũrijãña. ⁹Ãpẽrá múãrē ññañarõ tiirí, cǘãrē ññañarõ tiicãmérjãña. Múãrē ññañarõ jĩirĩ, ññañarõ jĩicãmerijãña. Teero jĩirõno tiirá, “Cõãmacũ cǘãrē ãñurõ tiiaró” jĩi sãĩbosáya. Cõãmacũ marĩrē teero tiidutígũ cúũrigũ niiwĩ. Teero tiirí, Cõãmacũ múãrē ãñurõ tiigúdaqui. ¹⁰Ate maquē Salmopũpũre jóanoã:

Múã catirí bũrecorire useni-remena niidũgara, ññañaré wedeserijãña; jĩiditorijãña.

¹¹Ññañaré tiidũgárenorē tiirijãña; ãñurépere tiiyá.

“Ññurõ niirecutirere boogá” jĩi wãcũ, ãñurõ niirucujãña.

¹²Basocá ãñurárē marĩ Õpũ cotequi.

Cǘã cǘãrē sãĩrere tũoquí.

Ññañaré tiirápereja cúaremena ññaqui,^h

jĩi jóanoã.

^h3.10-12 Salmo 34.12-16.

¹³Múã ãñurépe bayiró tiidugá-ri, ¿noápé múãrē ñañarō tiíape-bogari? Ñañarō tiirícua. ¹⁴Apetó tiirá, múã ãñuré tiipacári, ãpērã múãrē ñañarō netōrí tiibócu. Teero tiirí ññagũ, Cõamacũ múãrē usenirí tiigúdaqui. Teero tiirá, cũãrē cuirijãña. Múãrē tiíadarere wãcũrijãña. ¹⁵Teero wãcũrõno tiirá, “Cristo ãsã Òpũ níi” jĩ wãcũ, cũũrē padeoyá. ãpērã múãrē sãñábocua: “Múã Jesuré padeorá, ¿ñeenó ãñurére yuera tiii?” jĩibocua. Múã yũmasirã niirucujãña. Múã yũura, tutiro maniró yũya. Cũãrē quioníremena niirére ãñoñá. ¹⁶Múã Cristore padeoré wapa ãpērã múã ãñurō tiirére ñañarō jĩiãdacua. Teero jĩipacari, múãpe ãñurō tiiyá, ãñurō catirí yeeripũna cõrucújããda jĩirã. Múã teero tiirí, múãrē ñañarō jĩiãrira bobaãdacua.

¹⁷Apetó tiigú, Cõamacũ basiora cũũrē padeoráre ñañarō netōrí booquí. Múã ñañarō netōrē múã ãñurō tiíárigue wapa niíãrõ; múã booró ñañaré tiíárigue wapape niirijããrõ. ¹⁸Cristocã ãñugú niipacu, ñañarō netōwí. Cũũ ñañaré manigú, marí ñañaré tiiré wapare dia wapatíbosarigu niíwí. Ñañarãrē diabosagu, teero tiíwí. Maríre netõnégũ, sicãrírã diawi. Cũũ teero tiirémene cũũ Pacu pũtopũ maríre jeamasirí tiíwí. Cũũya õpũũrējã diajõãwí. Diatoa, too síro masãrigu niíwí. Cũũya yeeripũnapeja diaririro niíwũ. ¹⁹Teero tiigú, cũũ yeeripũnamena wi-

tinucãjõãyigu. Witi, ángelea ñañaré tiirirare wedegu wáayigu biadupõnorira pũtopũ. ²⁰Cũã Noé niiritopũ macãrã niíyira. Noé dooríwure tiiré burecorire Cõamacũ basocá cũã ñañarére tiipacári, yoari nucãjãyigu ména. Tiiwuré peotíari siro, ocho basocá sããwayira. Teero tiirá, oco dúupacari, netõnénoyira. ²¹Tee oco maríre wãmeõtire tiiróbiro queoré niiriro niíwũ. Teeménarã marí netõnénorira niíã. Maríre wãmeõtiremena maríye õpũũrĩ jũírĩ túariguere coseríro niíwũ. Teero coserõno tiirá, maríre wãmeõtiremenape Cõamacũrē “ãñurō yeeripũnacutidugaga” jĩ sãírira niíwũ. Teero tiinórira Jesucristo diarigupũ masãriguemena netõnénorira niíwũ. ²²Jesucristo Cõamacũ pũtopũ muãwari-gũ Cõamacũya wãmo diamacũniñape niíqui. Cũũ niipetira Òpũ niíqui. Ángelea, niipetira õpãrã ãmããsepu niirã sotoa macãpu niíqui.

Tíatopũ ñañaré tiimírira tiidúrigue

4 ¹Teero tiirá, Cristo cũũya õpũũmena ñañarō netõrígue-re wãcũ, múãcã cũũ tiirírobiro wãcũtutuaremena niíña. Sicũno cũũya õpũũmena ñañarō netõgú, ñañarére tiidugánemoriqúi sãa. ²Teero tiigú, cũũ catiré burecori jeatuario “basocá ñañaré tiidugárenorē tiigúda” jĩ wãcũriqúi sãa; “Cõamacũ boorépere tiigúda” jĩ

wācūqui. ³Múã Cõāmacūrē masīhērā tiirécütirenorē tiitóarira niwũ. Múã ñañaré tiirécütirira niwũ; ñañaré bayiró tiidugárira niwũ; cūmurépira niirira niwũ; numiámena ñeeaperepira niirira niwũ; boseburecori niirí, cūmu, āpērārē acaribirira niwũ; Cõāmacū dutirére netõncárã, basocá weerirapere padeoríra niwũ. ⁴Atitóre múã menamacārã niimirira múārē “jãmũ” jĩpacari, múape múã too sũgueropũ ñañaré tiiríguere tiidugáhera, “wáaria ũsãjã sáa” jĩjãcu. Múã teero tusaheri, t̃omanijõãcu. Teero tiirá, múārē ñnatuti, wedepaticua. ⁵Cúã tee wedepatipacari, Cõāmacūpe “¿deero tiirá múã ñañaré tiirí? Wedeñate” jĩ sãñágũdaqui. Catiráre, teero biiri diariracārē sãñápetijãgũdaqui. Cúã wedeari siro, cúārē wáadarere queoró wedegũdaqui. ⁶Niipetira basocá diaadacua. Jesuré padeorírape cúāye õpũũrĩ bóapacari, Cõāmacū p̃topũ catirucujãadacua. Teero tiirá, cúã atiditapú catiri ména, cúārē Jesuyé que-tire wedenoyiro.

⁷Atibúreco petiáدارو péerogã d̃sacú. Teero tiirá, múã tiíadarere añurõ t̃gueñasugue, tiirécutiya; múã tiíadarere añurõ wácũtoarapũ tiiyá, “Cõāmacūmena añurõp̃ra wedesemasíadacu” jĩrã. ⁸Bayiró cãmerí mañá. Tee up̃tí maquē niíã. Marí bayiró maírã, marírē ñañarõ tiiráre máata acabócu. ⁹Wáari basoca Jesuré padeorá múāye wiseripũ jeari, cúaro mani-

ró cúārē añurõ bocaya. ¹⁰Cõāmacū marírē Jesuré padeoráre niipetirap̃re marí tiimasírere ticoqui. Tee ticorémēna cúūyere añurõ tiimasíã. Teeré ticoḡũ, s̃cārĩbíro ticoriqui. Cũũ ticoró jeatuaro āpērārē tiíapudutigũ ticoqui. Marí āpērārē tiíápura, cúũ ticorére diamacú tiirá t̃ia. ¹¹Āpírē paũ watoapu Cõāmacūyere wedemasírere ticoqui. Teero cúũ wederé Cõāmacūyē wederé tiirõbirora niíarõ. Āpírē apeyenómēna tiípumasírere ticoqui. Cũũ Cõāmacū tutuare ticoriro jeatuaro tiíapuro. Niipetire múã tiimasíremēna teerora tiíapuya, basocá Cõāmacūrē usenire ticoaro jĩrã. Jesucristo teeré wáari tiiqui. “Cõāmacū niipetirere dutimasíqui; cúũ tiidugárere tiimasíqui” jĩārõ niipetira. Cũũ niipetira Ōpũ niirucujãārõ. Teerora niíarõ.

Jesuré padeorá ñañarõ netõrē

¹²Yũũ maírã, apeyé múārē wēdenemogũda. Múã Jesuré padeoré wapa ñañarõ netõrē wáari, ññamanijõãrijãña. Tee marí ñañarõ netõrere wácũtutuara, diamacúrã Jesuré padeorére ãñonóã. Teero tiirá, múārē bayiró ñañarõ netõrē wáari, “acuéi, ‘ate marírē wáaricu’ jĩm̃iwũ” jĩrijãña. ¹³Teero jĩrõno tiirá, useniña. Múã Cristo ñañarõ netõrírobirora netõñnãsera tiicú. Too síro cúũ p̃t̃uat̃iri, múã cúũ añurõ asibatérere ññarã, bayiró useniãdacu. ¹⁴Cristore padeoré wapa basocá múārē ñañarõ jĩrĩ, useni-

rõ booa. Cúã teero tiirí, ateré ma-síña: Espíritu Santo asibatégu múãmena niirucuqui. ¹⁵Sícũ múã menamacũ ñañarõ netõrî, cũũ booró ñañaré tiirígue wapa mee niĩarõ. Cũũ basocáre sĩarígue wapa, cũũ yaarígue wapa, cũũ ñañaré tiirígue wapa, teero biiri cũũye niiripacari dutidũgarigue wapa mee niĩarõ. ¹⁶Sícũ Jesuré padeoré wapa ñañarõ netõgú, boboríjãarõ. “Ápērã yũũ Jesuré padeorére ññarã tiíya” jĩĩgũ, Cõãmacũrẽ usenire ticoaro.

¹⁷Cõãmacũ wapa tiíadari bureco jeaadaropũ tiicú. Marĩ Jesuré padeorã tiiríguere ññasugue, wapatígũdaqui. Marĩrẽ cũũ ññapetiari siropũre, cũũye quetire padeohéra tiiríguere ññagũdaqui. Cúãrẽ bayiró ñañarõ wáaadacu. ¹⁸Too sugueropũ profeta tee ñañarõ netõrẽ maquẽrẽ biiro jóarigũ niiwĩ:

Basocã ãñurã ãmũásẽpũ
wáaadari sugueropũ, ñañarõ netõádacua ména.

Toorã nemoró ñañarõ netõádacua padeorídojãrãpeja, cúã diari siropũre, ⁱjĩĩ jóarigũ niiwĩ. ¹⁹Teero tiirã, Cõãmacũ booróbirora marĩ ñañarõ netõrã, ãñurõ tiirere tiirucújãrõ booa. “Cõãmacũ marĩrẽ cote-gũdaqui”, jĩĩada. Cũũ marĩrẽ tiirigũ niijĩgũ, cũũ marĩrẽ jĩĩrirobirora ãñurõ tiigũdaqui.

Jesuré padeorã biiro tiiró booa

5 ¹Mecũtígãrẽ Jesuré padeorã butoã dutirãre^j jóagũda. Yũũcã butoã menamacũ niĩã; Cristo ñañarõ netõrî ññawũ. Cũũ pũtuaatiri, Cõãmacũ niipetirare Jesucristo asibatérere, cũũ tutuare ññogũdaqui. Teeré yũũcã niipetira cũũrẽ padeorãmena niisotoapeonemogũdacu. Yũũ teero niijĩgũ, múãrẽ wãcũtutuare ticoa: ²Cõãmacũ cũũrẽ padeorãre cotedutigũ múãrẽ cúũyigũ. Oveja coterí basocũ cũũyara ovejare ãñurõ cotequi. Cũũ tiiróbirora múãcã Cõãmacũrẽ padeorãre ãñurõ coteya. Cotedũgahera tiiróbiro coterijãña. Tũsarémãna coteya. Cõãmacũ múã teero tiirí booquí. “Cúãrẽ cote-gũ, niyeru wapatígũda”, jĩĩ wãcũrijãña. “Cúãrẽ tiíapugũda”, jĩĩ wãcũña. ³Múã cotedutirare múã booró dutiaperijãña. Cúã múã tiirere ññãadacua, múã tiirécũtũre tiiróbiro tiíada jĩĩrã. Teero tiirã, ãñurõ tiirécũtiya. ⁴Ovejare cote-gũ peti pũtuaatigũ, múãrẽ wapatígũdaqui. Cũũ wapatire niirucujããdacu. Cũũ pũtopũ asibatere, cãtiré petihere ticogũdaqui.

⁵Múã mamarãcã, butoã dutirãre yũũya. Niipetira cãmerí tiíapuya. “Yũũ cúã nemoró niirí, cúã yũũre tiíapuarõ”, jĩĩ wãcũrijãña. Cõãmacũye queti jóaripũpũ ate jóanoã:

ⁱ4.18 Proverbios 11.31. ^j5.1 Butoã dutirã Jesuré padeorí põna macãrãrẽ dutirãbiro niicua. Tee põnaricõrõ butoã niicua. Cúãya põna macãrãrẽ cotecua.

“Āpěrá nemoró niiā” jīirá
Cōāmacū tiápurere cwo-
ricua.

Teero jīihērape cūū tiápure
cwoćúa,^k

jīi jóanoā. ⁶Teero tiirá, múā niipetirapura biiro wācūña: “Yuu boorére tiidú, Cōāmacū niipetire tutuare cwoćú boorépere tiigúda”, jīi wācūña. Múā teero tiirí, Cōāmacū cūū boorí bñreco múārē ɸpɸtí macārā niirí tiigúdaqui. ⁷Cōāmacū múārē maīgú, cotequi. Teero tiirá, niipetire múā wācūrere, múārē merēā wáarere Cōāmacūpure ticoya.

⁸Múā tiádarere añurō wācūtoarapɸ tiyá. Añurō tɸomasírā niíña. Satanás múārē wedesāgū múā Jesuré padeorere peotíduga-



León

qui. Yái^l juabóagɸ yaarere āmaāgū tiiróbiro tiiquí. ⁹Múāpe Jesuré añurō padeó, Satanárē “mɸɸ dutirere tiiría” jīiñā. Múā masiā: Niipetiropure basocá múā tiiróbiro Jesuré padeocúa. Cūācā múā ñañarō netórbirora ñañarō ne-

tóćúa. ¹⁰Marí atiditapúre ñañarō netórucúa ména. Teero netóári siro, Cōāmacū marírē quēnojeári tiigúdaqui sūcā; wācūtutuari tiigúdaqui; tutuari tiigúdaqui; nemoró padeorá wáari tiigúdaqui. Cōāmacū marírē añurō tiigú tiápurucujáqui. Cūū macū Jesucristo diariguemena marírē netónérigɸ niiwí. Cūñrá marírē cūū asibatéropɸ cūñmena niirucujá-dutigɸ beserigɸ niiwí. ¹¹Teero tiirá, niipetira jīiārō: Cōāmacū niipetira sotoarɸ ōpɸ peti niirucujāārō. Teerora niīārō.

Añudutiyaponorigue

¹²Silvanomena yuu múārē atipúre jóaa. Cūū yuñre bapacɸti. Jesucristore padeogú añurō tiirécutigɸ niíi. Teero tiigú, cūū diamacú tiirí iñagú, cūñrē padeóa. Múārē wācūtutuadutigɸ, usenidutigɸ, atipúré jóaa. “Cōāmacū marírē diamacúrā añurō tiiquí”, jīigū jóaa. Cōāmacūrē teero padeorucujáña.

¹³Atimacá Babilonia^m macārā Jesuré padeorá neará añuduticoya. Múā tiiróbiro cūācā Cōāmacū beserira niíya. Teero biiri Marcos yuu macū tiiróbiro niigúcā múārē añuduticoi. ¹⁴Múā basiro useniremena cāmerí añudutiya. Cōāmacū múā niipetira Cristomena niirárē añurō niirecútiri tiáro.

Nocōrōrá jóaa.

^k5.5 Proverbios 3.34. ^l5.8 Españolmena: león; portuguésmena: leão.

^m5.13 Apetóre Jesuré padeorá Romarē “Babilonia” jīiyira.